



**REPUBLIKA E SHQIPËRISË**  
**Komisioneri për Mbrojtjen e të Dhënave Personale**  
**Komisioneri**

---

Nr. 71/1 Prot.

Tiranë, më 14/12/2011

**Lënda:** Rekomandim për *Klinika-Gjinekologjike "URSULA"*.

**REKOMANDIM**

Nr. 71/1, datë 14/12/2011

Mbështetur në Ligjin nr.9887, datë 10.03.2008 "Për Mbrojtjen e të Dhënave Personale", Vendimet e Kuvendit të Shqipërisë nr.211, datë 11.09.2008 "Për zgjedhjen e komisionerit për mbrojtjen e të dhënave personale" dhe nr 225, datë 13.11.2008 "Për miratimin e strukturës organike dhe kategorizimit të pozicioneve të punës të zyrës së Komisionerit për mbrojtjen e të dhënave personale", pas shqyrtimit të relacionit të Drejtorisë së Inspeksionit në ngarkim të kontrolluesit, *Klinika-Gjinekologjike "URSULA"*,

**KONSTATOVA**

Më datë 11/11/2011, nga grupi i inspeksionit të Zyrës së Komisionerit është zhvilluar inspeksioni administrativ pranë kontrolluesit, *Klinika-Gjinekologjike "URSULA"*, Tiranë, me cilësinë e kontrolluesit që mbledh dhe përpunon të dhëna personale në ushtrim të qëllimit dhe aktivitetit të tij, me objekt:

1-Mbrojtja e të dhënave personale, kriteret ligjore për përpunimin e të dhënave sensitive, transferimi ndërkombëtar i të dhënave të parashikuara në nenet 5, 6, 7, 8, 9 të Ligjit Nr. 9887, datë 10.03.2008 "Për mbrojtjen e të dhënave personale";

2-Plotësimi i detyrimit për të njoftuar pranë autoritetit të Komisionerit, në lidhje me të dhëna personale që përpunohen (neni 21);

3-Masat për sigurinë e të dhënave personale (neni 27);

4-A përpunohen të dhëna personale nëpërmjet sistemeve të kamerave (CCTV), nëse ka tabela informuese.

Komisioneri Për Mbrojtjen e të Dhënave Personale, pasi shqyrtoi Proces-Verbalin e inspeksionit administrativ të mbajtur me këtë rast si dhe provat e administruara, vëren se:

- Kontrolluesi, *Klinika-Gjinekologjike "URSULA"*, Tiranë, nuk ka kryer detyrimin ligjor për njoftim pranë Komisionerit, sipas nenit 21 të Ligjit Nr. 9887, datë 10.03.2008 "Për Mbrojtjen e të dhënave personale".

Në këtë rast nuk është zbatuar Neni 21 i Ligjit Nr. 9887, datë 10.03.2008 “Për Mbrojtjen e të Dhënave Personale”, sipas të cilit “...Çdo kontrollues duhet të njoftojë Komisionerin për përpunimin e të dhënave personale, për të cilat është përgjegjës. Njoftimi duhet të bëhet para se kontrolluesi të përpunojë të dhënat për herë të parë ose kur kërkohet ndryshimi i qëllimit të përpunimit, të njoftuar më parë”.

- Kontrolluesi, Klinika-Gjinekologjike “URSULA”, Tiranë, në zbatim të neneve 27/2 “c”, të Ligjit Nr. 9887, datë 10.03.2008, “Për mbrojtjen e të dhënave personale”, nuk është shprehur në një Rregullore të Brendshme të hartuar prej saj, lidhur me mbrojtjen e të dhënave personale, sidomos duke marrë në konsideratë sensitivitetin e këtyre të dhënave.

Në këtë rast nuk është zbatuar neni 27/2 “c”, sipas të cilës “..Kontrolluesi...udhëzon operatorët pa përjashtim për detyrimet që kanë në përputhje me këtë ligj dhe rregulloret e brendshme për mbrojtjen e të dhënave, përfshirë dhe rregullat për sigurinë e të dhënave...”

Gjithashtu, kontrolluesi nuk ka parashikuar politika të mbrojtjes së të dhënave nëpërmjet konfidencialitetit, sipas Nenit 28 të Ligjit.

Për sa më sipër, në zbatim të neneve 29, 30 dhe 32 të Ligjit Nr.9887, datë 10.03.2008 “Për Mbrojtjen e të Dhënave Personale”, si dhe 107-109 të Kodit të Proçedurave Administrative:

#### REKOMANDOJ

1. Bazuar në nenet 21-22 të Ligjit Nr. 9887, datë 10.03.2008 “Për Mbrojtjen e të Dhënave Personale”, të realizoni pranë Komisionerit njoftimin për përpunimin e të dhënave personale për të cilat jeni përgjegjës, brenda një afati prej 2 (dy) ditësh;
2. Bazuar në nenet 27/2 “c” dhe 28 të Ligjit Nr. 9887, datë 10.03.2008 “Për Mbrojtjen e të Dhënave Personale”, të hartoni Rregullore të Brendshme për mbrojtjen e të dhënave personale dhe konfidencialitetin, brenda një afati prej 20 (njëzet) ditësh.

Duke ju falenderuar për mirëkuptimin,

KOMISIONERI

FLORA ÇABEJ (POGAÇE)

